

Poslanik Muhamed Škrgić:

Može li se i kako uspostaviti bolja konekcija i dinamičnija saradnja između skupštinskih službi i službi iz vlade koje prate odgovorajuća tijela tj. Komisije u Skupštini, Skupštinu Unsko-sanskog kantona. Naime radi se o slijedećem, mjesecima se zna čekati na neko konsultaciju, saradnju, dogovor, odgovor, razmjenu mišljenja, stručnu potporu itd. U tom smislu dakle pitanje glasi: Može li se i kako? Hvala lijepa.

Poslanica Elvira Abdić Jelenović:

Prvo pitanje upućujem Vladi Unsko-sanskog kantona, na 25.sjednici Skupštine Unsko-sanskog kantona održanoj 09.07.2012.godine usvojen je dugo najavljivani Zakon o javno-privatnom partnerstvu. U obrazloženju prijedloga Zakona između ostalog je naznačeno da se isti treba usvojiti, citiram: „zbog postojanja sve većeg interesa za izgradnju, rekonstrukciju, upravljanje i održavanje infrastrukturnih kapaciteta za zadovoljenje javnih potreba u svim oblastima koje su u nadležnosti Kantona ili Općine pri čemu se pokazuje manjak finansijskih sredstava u Budžetu Kantona kao i u budžetima na svim nivoima vlasti, ukazuje se sve veća potreba za pronalaženjem dodatnih finansijskih sredstava za finansiranje, izgradnju i upravljanje infrastrukturnim projektima“. Člankom 35.ovog Zakona određeni su rokovi za donošenje podzakonskih akata koji su već davno istekli. Zbog značaja donošenja Zakona o javno privatnom partnerstvu kako je to u obrazloženju navela i Vlada Unsko-sanskog kantona vjerujem da su isti doneseni te postavljam slijedeća pitanja: Koliko je Projekata javno privatnog partnerstva realizirano na području Unsko-sanskog kantona? Koliko ponuda i inicijativa je zaprimila Komisija, Vlada ili neka od općina Unsko-sanskog kantona, a od strane privatnih investitora za neki od projekata? Gdje su objavljeni trogodišnji i godišnji planovi predlaganja provedbe projekata javno privatnog partnerstva koje su dužni izraditi ministarstva Kantona i nadležne službe jedinica lokalne samouprave i što je Vlada konkretno uradila ili što konkretno čini na implementaciji Zakona o javno-privatnom partnerstvu? Moje drugo pitanje postavljam Ministarstvu obrazovanja na Unsko-sanskom kantonu i Zavodu za zapošljavanje. Prilikom razmatranja posljednje informacije MUP-a Unsko-sanskog kantona o stanju maloljetničke delikvencije, stanju nasilja u obitelji i stanju kriminaliteta na USK-a može se zaključiti da je više nego neophodno angažirati socijalne radnike, psihologe i pedagoge kako u školama tako i u Centrima za socijalnu skrb, a u cilju suzbijanja ovih pojava. Prema neslužbenim podacima pobrojani kadrovi nisu adekvatno zastupljeni što može biti posljedica nepostojanja zakonskih odredbi, a ne mjere Ministarstva obrazovanja. Da li pozitivni zakonski propisi reguliraju broj uspolenih socijalnih radnika, pedagoga i psihologa u osnovnim i srednjim školama, koliko je tih kadrova i na koji način radno angažirano u oblasti obrazovanja na USK-a, koliko je ukupno na Zavodu za zapošljavanje po općinama evidentirano osoba s navedenim kvalifikacijama? Zahvaljujem.

Poslanica Mira Ljubijankić:

Moje poslaničko pitanje je isto poslaničko pitanje koje je bilo upućeno pravobraniocu, s obzirom da mi je pravobranilac dao odgovor da nije nadležan za korištenje stanova u vlasništvu Vlade i Univerziteta i da je to Ured za zajedničke poslove. Sad ovo isto pitanje vezano za stanove koji su prazni, a vlasništvo su Vlade ili eventualno nezakonito se koristi bez ugovora, a sa Ministarstvom za boračka pitanja trebaju se regulisati ljudi koji su u velikoj materijalnoj potrebi za tim stanovima dok se ne završe stanovi na Ozimicama kojima oni kreditiraju svoje stanove. Ja isto pitanje upućujem samo ovaj put Uredu mada mislim da je i pravobranilac mogao samo prosljediti pitanje ali dobro hvala i na odgovoru.

Poslanik Mirvet Beganović:

Pitanje je upućeno Ministarstvu poljoprivrede, vodoprivrede i šumarstva, Federalnom ministarstvu vodoprivrede i šumarstva i Uredu za veterinarstvo Federacije BiH sa aspekta upotrebe veterinarskih lijekova, a ono glasi znači šta se planira poduzeti da se na listu lijekova, na listu veterinarskih lijekova dozvoljenih u Federaciji stave oni lijekovi za propisane mjere, naredbe koje su obavezne za sprovođenje na ovom terenu? Obrazloženje: Znači sve veterinarske stanice na Unsko-sanskom kantonu je obišla Federalna veterinarska inspekcija i tom prilikom je izdala rješenje da ne smijemo koristiti lijekove koji nisu na popisu odobrenih u Federaciji. Imamo znači naredbu koju daje svega godinu, uredbu kojom se definiše koje mjere treba sprovesti, jedna od tih mjera je antraks međutim lijek za sprovođenje vakcina za sprovođenje mjere protiv antraksa nije na listi u Federaciji. Imamo jednu apsurdnost, znači da Veterinarske stanice ne mogu provesti mjeru zato što se nalaze na listi tih lijekova. Zatim, tu su također lijekovi koji su za tuberkulenzaciju to jest tuberkilini bolini, tuberkulin avijarni isto nije registriran, a borba znači mjera protiv tuberkuloze je obavezna. Tu su i određeni vezani za zamjenu kao npr. prazonon plus, antimetik tablete koje se daju za čišćenje pasa i crvnih nametnika, zatim ektanon, veta ektol šampon, enzol i razni drugi lijekovi koji se nalaze na listi u Federaciji a imamo znači potrebu. Dobavljači te lijekove su dostavljali javnim i privatnim veterinarskim stanicama Unsko-sanskog kantona međutim sada je došlo inspekcija i zabranila upotrebu tih lijekova što je apsurd a imamo naredbu da moramo sprovesti mjeru. Mislim da je tu problem isti kao i nostrifikacija diploma, cijena, stavlja jednog lijeka na listu je drastično veća u Federaciji nego u Republici Srpskoj i onda jednostavno dobavljači ne žele a snabdjevaju i dobavljaju te lijekove i da apsurd bude veći evo mjera za antraks propisana, obavezna već trebala biti do aprila i onda se da privremena dozvola da firma „Mimi kop“ iz Banja Luke nabavila tu vakcinu i onda imaju saglasnost da veterinarske stanice da kupe. Zašto te lijekove ne stave na spisku da se provede procedura, a u krajnjem slučaju dobavljači da oni obezbejde da se na listama lijekova, veterinarskih lijekova u Federaciji stave svi lijekovi koji se trenutno koriste i koji imaju kvalitet jer čak za određene lijekove nema ni zamjena. Moje drugo pitanje je Ministarstvu zdravstva, vrlo kratko, nekoliko pacijenata me zamolilo da upitam, treba da idu na operaciju očiju, imam informaciju njima je dat odgovor da je neispravan uređaj koji se koristi prilikom te operacije, ja ne znam tačno naziv pa vrlo kratko odgovor zbog toga jer ljudi stvarno su me zvali jutros, imali zakazano dva-tri termina to je odgođeno zbog neispravnosti tog uređaja.

Poslanik Emir Tatlić:

Naime mi smo još prije tri ili četiri mjeseca kao poslanici inicirali izmjenu Ustava Unsko-sanskog kantona i Poslovnika o radu, zatim je i Kolegij to isto prihvatio, da bi Komisija za ustavna pitanja znači tu Inicijativu prosljedila da se Ustav Unsko-sanskog kantona i Poslovnik o radu Skupštine prilagode presudi o ravnopravnosti naroda poznatija kod nas kao „Sejdić Finci“; U kojoj fazi je znači ta naša inicijativa i kada će ona biti realizovana odnosno upućena nama na usvajanje? I moje drugo pitanje je Ministarstvu obrazovanja Unsko-sanskog kantona. Naime, prije nekih 15-tak dana Uniji studenata Univeriteta u Bihaću je istekao Ugovor sa Ekonomskim fakultetom i oni su bili primorani da napuste prostorije. Zahvaljujući znači rektoru oni nisu u potpunosti izašli iz zgrade Ekonomskog fakulteta jer im je ustupio jednu svoju kancelariju no međutim sad imaju problem zato što nemaju više svojih kancelarija ako znamo da Unija studenata u Bihaću predstavlja šest hiljada i više čak studenata, nelogično je da oni nemaju svojih kancelarija koje su godinama znači koristili, problem je kao što sam i rekao taj ugovor koji je istekao sa Ekonomskim fakultetom, ja bih zamolio znači ministra

obrazovanja da se aktivno uključi oko rješavanja tog problema i da pomogne Uniji studenata, njihovim predstavnicima da iznađu kancelarije za svoj rad.

Poslanik Nijaz Hušić:

Moje prvo pitanje odnosi se na primjenu Pravilnika o tehnološkom višku u školama na prostoru Unsko-sanskog kantona. Naime jedan veliki broj mojih kolega iz srednjih škola je zabrinut obzirom da ove godine drastično mali broj učenika će se upisati u srednje škole, samim tim primjenom ovog Pravilnika neki od njih bi vjerovatno trebali ostati i između ostalih stvari i bez posla i zbog toga moje pitanje glasi: Kako nadležno ministarstvo planira riješiti pomenuti problem i zbrinuti prosvjetne radnike za koje se utvrdi da su tehnološki višak? Molim da mi ministarstvo na ovo pitanje pismeno odgovori. Moje drugo pitanje je isto tako upućeno Ministarstvu obrazovanja i vjerujte da sam bio u dilemi da li da ga danas postavim javno ili ne, međutim ipak sam se odlučio da to pitanje javno postavim. Naime, mi smo upozoravali na loša kadrovska rješenja u pojedinim školama, u pojedinim školskim odborima, međutim evo ovih dana i sam sam svjedočio dakle koliko to može na neki način srušiti dignitet i škole i učenika i roditelja koji na neki način šalju tu svoju djecu u pomenute škole. Svjedoci smo jednog velikog masovnog korištenja društvenih mreža a na jednoj od tih pomenutih mreža jedan od tih pomenutih direktora kojeg sam i ranije prozivao javno vrijeđa državnog poslanika iz reda drugog naroda nazivajući ga najpogrdnijim imenima sa jednom dozom najvećih uvreda. Između ostalih stvari isti direktor škole dijeli pornografske sadržaje poznatih starleta sa prostora bivše Jugoslavije i sve bi to bilo u redu da on to radi putem svog vlastitog profila, a da ne radi putem profila svoje škole, možete misliti koliko učenika posjećuje taj pomenuti profil dakle vlastite škole. Radi zaštite digniteta jednog od najčasnijih zanimanja zaista zanimanja prosvjetnih radnika ja na neki način sam, evo želim između ostalih stvari prije svega upozoriti Ministarstvo na ovu pojavu s jedne strane, s druge strane isto tako želim da Ministarstvo ovu Skupštinu izvijesti o tome šta je poduzelo protiv pomenutog direktora. U slučaju da to ministarstvo ne uradi, ja neću pomenuti ovdje niti školu niti direktora zaista radi zaštite digniteta ponavljam jednog od najčasnijih zanimanja, u slučaju da Ministarstvo ne poduzme mjere onda i pismeno izvijesti ovdje poslanike u Skupštini, javno ću objaviti sve te sadržaje, direktora, iz koje političke partije i ko ga je imenovao na to mjesto.

Poslanik Hajrudin Halilović:

Moje nije poslaničko pitanje u suštini nego bih predložio predsjedavajućem Skupštine ili probosanskim partijama kako god to se uzme, s obzirom da nama ide vrlo uskoro popis stanovništva u Bosni i Hercegovini i s obzirom da smo mi sredina u kojoj ima dosta manje ili više pismenog naroda, s obzirom da imamo određene dileme oko toga kako pravilno ispuniti listić, oni će reći ne trebaju oni nas učiti kako mi da popunimo listić ali mi imamo dobru dilemu u građanima šta je to Bošnjak, šta je Bosanac i šta je Musliman. U običnom govoru sa građanima oni će reći mi smo sto godina bili Bošnjaci, mi smo sto godina Muslimani, mi sto godina Bosanci i u tom ispunjavanju tog listića bojim se da ćemo imati tri različita odgovora što u suštini znači manjak onih koji su probosanski orjentisani. Ja molim sve političke partije, ne A-sda, nego i SDA i sve ostale SDP, SBB, Lijanoviće odnosno Stranku za BiH i sve ostale da damo jedan određeni mandat zajedno sa možda i vjerskim institucijama da pravilno i pokažemo da smo mi pismena nacija. Dakle, pravilno ispunjanje tog papirića pokazuje da li smo mi pismena nacija. Vidjeli ste da MMF neće da potpiše sa Bosnom i Hercegovinom određene projekte odnosno pozajmnicu ili novčane transakcije zato što nemamo gazde. Uvijek se pojavljuju nekakva dva ili tri čovjeka koja su odgovorna u državi to je jedno, IPA fondovi čuli ste prije dva dana 5 miliona eura neće potpisati za poljoprivredu a kažu da se to

multiplicira i da će to biti na stotine miliona dolara zato što ne znaju s kim da potpišu. Prevedno u našem običnom govoru to dođe kad dođete kod čovjeka kući ne znate s kim da se dogovarate, sa djetetom, suprugom ili nema gazde ili imate dvojicu, ispadamo dosta neozbiljni i ja vas zato molim dakle da mi nađemo snage, to ne smije biti i ne treba biti možda politička kombinacija ali ona u krajnjoj konsekvenci i jeste politička, ako pokažemo da smo pismen narod onda ćemo reći ko je gazda odnosno ko može potpisivati u ovoj državi Bosni i Hercegovini dakle nije to samo od A-sda nego sve stranke. Hvala vam lijepo.

Poslanik Ismet Dolić:

Naime, nisam neki pratitelj dešavanja u poljoprivredi ali sam ipak čuo da je uvjet da poljoprivredni proizvođači ostvare Kantonalne poticaje da zemljište na kojima vrše zasad određenih poljoprivrednih kultura moraju ispitati kod Poljoprivrednog zavoda. Meni osobno je to dosta razumljivo jer naravno da je važno ispitati zemljište da se može odrediti točno koja kultura se tu može sijati premda ima poljoprivrednih proizvođača koji smatraju da je to na neki način povrat onoga što dobije se kroz poticaje pa se kroz ovo mora vratiti natrag ili tako. Čak su neki rekli, mi treba da prihvatimo i taj rizik da sami zasijemo nešto ako ostvarimo određene prinose ostvarićemo i proporcionalne takve i poticaje ako ne, ne. Pa bih zamolio evo ovdje je gospodin ministar možda radi mene i radi javnosti odnosno radi poljoprivrednih proizvođača ako bude mogao samo na kraju da se obrati samo da objasni o čemu se radi tako da na neki način se otkloni ta dilema. Moje drugo zastupničko pitanje je vezano za poduzeće odnosno ceste Federacije Bosne i Hercegovine i ja sam ovo pitanje postavljao nekoliko puta, nisam nikad dobio odgovor a radi se o veoma osjetljivoj problematici. Naime, radi se o adaptaciji, rekonstrukciji ceste M42 koja vodi od graničkog prijelaza Maljevac prema Cazinu. Jedan dio ove, naravno veći dio ceste prolazi kroz centar Velike Kladuše i od samog graničnog prijelaza Maljevac do srednje škole ova cesta je sa svim pratećim objektima odnosno infrastrukturom trotoarima totalno uništena. Kažem totalno to je jednostavno kao kalvarija. Iz tog razloga me interesira budući znači da je vlasnik ovih cesta Federacija Bosne i Hercegovine odnosno s njima upravlja i gospodari ovo poduzeće po kojim kriterijima se donose odluke da se u određenim, da se vrši rekonstrukcija određene ceste odnosno da se vrši sanacija ili tako to? U ovom slučaju smatram zaista ako postoje ikakvi kriteriji osim onih neljudskih i to da je ova cesta došla na red da se sanira odnosno da sredstvima Federacije Bosne i Hercegovine da o njenom trošku da se napravi ono što je potrebno. Ponavljam, molim pismeno da mi se dostave znači kriteriji koji jasno stavljaju do znanja kada, kako i zašto se određena dionica znači renovira ili sanira i eventualno da mi se dostavi ako ne za ovu godinu ili u nekom narednom periodu kada je predviđeno da će ova cesta ući u program sanacija i rekonstrukcija?

Poslanik Kasim Mulalić:

Da li Vlada Unsko-sanskog kantona odnosno nadležno Ministarstvo za pitanje boraca i ratni vojnih invalida Unsko-sanskog kantona planira izvršiti izmjenu i dopunu Odluke o sufinansiranju izgranje Muzej sobe 505.viteške u Bužimu odnosno u kojem vremenskom roku se planira donošenje nove izmjene Odluke? Naime Vlada USK je 2006.godine donijela Odluku o sufinansiranju i izgradnje Muzeja soba 505.viteške brigade u iznosu od 100.000 KM te je isti iznos doznačen na račun općine Bužim. Kako izgradnja Muzeja sobe zahtijeva daleko veća sredstva općina Bužim je tražila izmjene namjene sredstava na način da se dozvoli kupovina poslovnog prostora za smještaj Muzej sobe. Općina je upućivala dopis nadležnom ministarstvu da pokrene postupak izmjene Odluke nakon konsultacija i utvrđenih smjernica sa predstavnicima boračkih udruženja sa područja općine ali do danas nismo dobili adekvatan i

precizan odgovor. Zbog navedenog tražim konkretan odgovor da li će Vlada izmjeniti Odluku Budžeta o namjeni sredstava predviđenih za izgradnju Spomen sobe u Bužimu odnosno da li će promijeniti namjenu i dozvoliti, omogućiti da sa tim sredstvima kupi se poslovni prostor za smještaj Muzej sobe?

Poslanik Husein Rošić:

Ja ću postaviti jedno poslaničko pitanje a iskoristiću i svoje poslaničko pravo ili poslovničko da izrazim i nezadovoljstvo odgovorom koji sam dobio od Vlade Unsko-sanskog kantona tako da ću ja predsjedavajući ponovo se prijaviti u skladu sa članom 191. stav (6). Naime, moje poslaničko pitanje upućujem sekretaru Vlade odnosno resornoj ministrici za prostorno građenje gospođi Sinhi Kurbegović, a tiče se inicijativa koje sam ja kao zastupnik u skladu sa Poslovníkom podnio u 2012.godini. Naime, mi smo kao Skupština odnosno Zakonodavno-pravna komisija se o dosta tih inicijativa očitovala međutim tih materijala još nema u da kažem u radnoj verziji na raspravi ovog zakonodavnog doma a tiče se Inicijative za donošenje Zakona o značajnim datumima na Unsko-sanskom kantonu, zatim Inicijativa za donošenje Zakona o danu zahvalnosti V. Korpusu Armije Republike Bosne i Hercegovine, zatim Inicijativa za donošenje Odluke o načinu ostvarivanja novčanih primanja civilnih invalida rada koje je Ministarstvo u obavezi bilo uskladiti sa Federalnim propisom još od 2008.godine, zatim donošenje Odluke o utvrđivanju javnog interesa Tursko-bosanski koledž, dalje ima tu inicijativa ispred Kluba poslanika Stranke demokratske akcije i mojih kolega a to je Inicijativa za donošenje hitnih mjera za usvajanje plana finansiranja naknada šteta na usjevima uslijed elementarnih nepogoda u 2012.godini, iniciranje odnosno donošenje upustva za nabavku plavog dizela za poljoprivredne proizvođače, Inicijavita za donošenje izmjena i dopuna Zakona o zdravstvenoj zaštiti kako bi se donijeli novi paketi zdravstvenih usluga i mi ćemo kao klub danas u toku dana uputiti inicijativu za donošenje zakona o načinu ostvarivanja ušteta na Unsko-sanskom kantonu. S obzirom da situacija u budžetu odnosno svi finansijski pokazatelji pokazuju jedno teško stanje kada je u pitanju planirani prihodovni iznos Budžeta za 2013.godinu iako mi dakle ne dobijamo konkretne informacije ja sam u nekoliko navrata kao zastupnik u skladu sa Zakonom o pristupu informacija dostavio dopise i dobio sam da kažem određene paušalne ocjene međutim u tom zakonu želimo konkretno uticati na određene stavke, evo završiću misao, određene stavke, prije svega izabranih zvaničnika i svih onih ureda gdje smo uočili ogromnu i enormnu potrošnju kada su u pitanju sredstva građana.

Poslanik Sead Kadić:

Prvo pitanje dobili smo odgovor ovdje gospodina Esada Bašagića poslanika koji je tražio odgovor na broj uposlenih struktura u Nacionalnom parku „Una“. Ovaj odgovor je sve više nego odgovor, ovo je sakrivanje činjenica šta se ustvari gore radi, da se u tom parku zapošljavanju rođaci, sestre, braća, čak ima i preko 60.godina ljudi koji se gore upošljavaju na užtrb onih gore kojih je poginulo 350 koji danas hodaju po Kulen Vakufu i Orašcu i nemaju gdje raditi i po Martin Brodu, da ne bude zabuna. Znači mi i ja kao poslanik nisam zadovoljan sa ovim odgovorom, tražimo od Federalne Vlade da uputi inspekciju u Nacionalni park da sve provjeri ko je gore i na koji način uposlen u Nacionalnom parku i ovo nije odgovor, u jednoj stavki kaže da zakonom nije propisano niti jednim zakonskim propisom da se upošljavaju ljudi iz Ljutočke doline ili sa mjesta toga na kojem se to odnosi. Zar za to trebaju zakoni? Zar trebaju zakoni da se u Ljutočkoj dolini upošljava sirotinja koja je izginula i dala živote za to sve? Najzad, uz njihovu saglasnost je taj Nacionalni park i formiran, a vrlo lako može biti rasformiran željom gore tih ljudi koji od toga nemaju nikakve koristi. Moje drugo pitanje postavljam premijeru Hamdiji Lipovači koga evo po običaju nema danas ovdje ponovo, na jednom od lokalnih radija dao je vrlo teške kvalifikacije pojedinaca, časnih ljudi kao što je

Izudin Saračević, pukovnik Armije Bosne i Hercegovine za koje je kazao da je on nikogović i da narod Kladuše dobro zna šta je Izudin Saračević uradio tom narodu. Ja ga sada pitam šta je to uradio Izudin Saračević Kladuškom narodu osim što je bio pukovnik časne Armije Bosne i Hercegovine, što je bio pomoćnik komandanta za moral V. Korpusa, najčasnijeg korpusa u ovoj državi i što je časno branio svoju zemlju?

Poslanik Damir Hodžić:

Da li će i kada posao koji obavljaju sekretari i knjigovođe sa četvrtim stepenom školske spreme u osnovnim školama biti vrednovani kroz platu? Naime, meni su se obratili neki sekretari iz osnovnih škola koji imaju četvrti stepen školske spreme sa molbom da se Ministarstvo angažuje da u granicama svojih ovlasti iznađe način kako ovim ljudima na veoma odgovornim mjestima plata ne bi bila jednaka plati NK radnika što je danas slučaj. Oni su u radni odnos primljeni kada je za taj posao trebao četvrti stepen školske spreme i prema Pedagoškim standardima za njih je navedeno da oni koji imaju preko 25.godina radnog staža imaju pravo zadržati poziciju, a ostali u roku od četiri godine steći potrebnu kvalifikaciju. U Unsko-sanskom kantonu od 49 osnovnih škola radi 19 sekretara odnosno knjigovođa sa četvrtim stepenom stručne spreme, od toga pet radnika završava visoku školu, a sedam je u obavezi da završi jer imaju manje od 25 godina radnog iskustva. To znači da imamo trenutno sedam ljudi u osnovnim školama koji rade na mjestu sekretara ili knjigovođe i tu mogu ostati do penzije a primaju platu NK radnika, oni su se ministre vama obraćali prošle godine s ovom molbom, dobili su podršku i aktiva direktora te Saveza samostalnih sindikata osnovnog obrazovanja ali do danas nisu dobili nikakav odgovor. Moje drugo pitanje također ministru obrazovanja, premijer Vlade Unsko-sanskog kantona gospodin Hamdija Lipovača je prošle sedmice u izjavi za medije rekao da su sve obaveze iz 2012.godine plaćene odnosno izmirene. Ja moram ovdje zbog vas poslanika i zbog javnosti demantovati te navode odnosno reći da su neistiniti, danas ću samo iznijeti dugovanja prema Univerzitetu u Bihaću dakle iz 2012.godine dugovanja prema Univerzitetu iznose 752.815 KM od toga 577 hiljada maraka su Ugovori o djelu spoljnim saradnicima koji nisu plaćeni što dovodi do toga da pojedini spoljni saradnici otkazuju dalje izvođenje nastave te pripremaju tužbe protiv Univerziteta odnosno Vlade. Također nisu plaćene ni komisije za magistarske i doktorske radove, jubilarne nagrade, naknade za rad u institutima koje nisu plaćene od 2010.godine, te naknade za rad u projektima, ukupne neplaćene obaveze sa današnjim danom iznose 1.100.000 KM. Pitanje ministru: Kada će ove obaveze biti plaćene?

Poslanik Šefik Veladžić:

Želim ponovo postaviti pitanje Ministarstvu za pitanje boraca kada će biti raspisan Konkurs za stipendije boračke populacije? Obzirom da je Budžet usvojen u 12.mjesecu ja sam to pitanje već jednom postavljao i zaista nema razloga da se taj Konkurs već nije raspisao. Nadovezao bih se na ovo pitanje gospodina Mulalića, ja zaista ne očekujem odgovor na to poslaničko pitanje već očekujem konkretno da Vlada donose Odluku s obzirom da su to sredstva već prebačena na račun općine Bužim samo što se tiče namjene da se reguliše, to je tehničko pitanje i da kažem da je već u ovoj godini znači planiran dodatni dio sredstava za istu namjenu znači za kupovinu prostora Muzej sobe, da je sa Federalnim ministarstvom dogovoren znači iznos sredstava kako bi se zatvorila finansijska konstrukcija da ne bi više Muzej soba u Bužimu plaćala kiriju i da kažem da je dosad preko 110.000 maraka Pošti plaćeno kirije za Muzej sobu.

Poslanik Husein Rošić (po Poslovníku)

Član 191 stav (6) ukoliko poslanik nije zadovoljan odgovorom ima pravo u trajanju od tri minute da iznese svoje nezadovoljstvo. Naime, ja sam na 35.sjednici Skupštine postavio dva poslanička pitanja sekretaru Vlade odnosno gospođi Kurbegović koja obnaša poziciju sekretara Vlade, prvo pitanje se tiče Odluke o uslovima kriterijima i načinu ostvarivanja određenih naknada i drugih materijalnih prava koje nemaju karakter plaće dakle da pojednostavim radi se o tome da mi još nismo usvojili Zakon o plaćama i naknadama u organima vlasti u Unsko-sanskom kantonu, a Vlada je donijela Odluku po na osnov kojeg ministri naplaćuju sebi odvojeni život, dakle ne postoji ustavna ovlast dakle ovaj član na koji se vi pozivate gdje Vlada donosi određene propise dakle ne tiče se konkretno ove Odluke bar u onom djelu kada su pitanju prava i obaveze korisnika samih tih Odluka. Moje drugo pitanje ja nisam postavio po pitanju utroška tekuće budžetske rezerve nego po pitanju utroška granta neprofitnim organizacijama i decidno dakle zamolio bih ubuduće Službu Skupštine da se poslanička pitanja dostavljaju u izvornom obliku zato što sam postavio iz jednog pragmatičnog razloga jer sam dobio informacije da isti grant je utrošen na način da su davane jednokratne pomoći fizičkim licima, tražio sam decidno da mi se dostavi spisak dakle po imenima fizičkih lica i tačan iznos koliko je dakle isplaćeno sa te alokacije Budžeta Unsko-sanskog kantona a mi svi znamo namjene samog granta neprofitinim organizacijama da u tu svrhu i u te namjene se ne može koristiti.

Poslanik Ekrem Prošić:

Želio bih uputiti jedno poslaničko pitanje premijeru iako ga nema tu, naime, poznato je da zadnja sjednica zbog neusvajanja dnevnog reda nije ni održana. Nakon toga je premijer istupio u javnost preko sredstava informisanja i obavijestio građane da je sjednica odgođena zato što pojedini poslanici nisu mogli dobiti određena novčana sredstva jer na dnevnom redu se nalaze određeni Zakoni koji uskraćuju pojedinim poslanicima nekakva novčana sredstva. Ja nisam ni došao ovdje bio sam tamo vani, ušao sam ovdje kad su poslanici izlazili iz sale prema tome nisam dao nikakav doprinos usvajanju ili neusvajanju dnevnog reda, a lično je prozvao mene i još nekoliko poslanika gospodina Hodžića, Elviru Abdić Jelenović, ne znam koga još, da navodno smo mi nezadovoljni što nećemo dobiti nekakva novčana sredstva pa da zbog toga nismo usvojili dnevni red. Ja koliko znam da ovdje premijer ima svoju skupštinsku većinu, privatnu, da on često zna reći ovdje smjenite me ja imam 18., 19 ne možete me smjeniti, a ne znam zašto nisu usvojili taj dan dnevni red. Najmanje sam kriv ja i ostali iz opozicije što nije usvojen dnevni red, kad god budu nešto predložili na dnevni red dobro mi ćemo vjerovatno ja a vjerovatno i ostali podržati takav dnevni red. Taj dan je opozicija smatrala da taj dnevni red nije dobar i vjerovatno zbog toga nije podržan, međutim njegova većina je kriva i on to mora shvatiti zašto nije usvojen dnevni red. Kad se tiče novčanih sredstava vama je poznato da koliko ja držim do toga da su mene nasilu gurali u Komisiju za zdravstvo i boračka pitanja kad su me mjenjali među one Komisije, ja sam rekao i ovdje za govornicom da neću da me niko silom gura u nekakvu Komisiju, a ja nisam za to, ja nakon toga nisam došao ni na jednu sjednicu te komisije, to znači ipak su značajna sredstva koja sam ja trebao dobiti za nekoliko sjednica ja znači ne držim baš do tih sredstava toliko koliko drži naš premijer i onaj ko je bolestan, ko voli pare, ko voli krasti pare, on vjerovatno misli da i ostali su svi takvi da i oni to svi žele. Prema tome ja bi zamolio poslanika da ubuduće kad daje izjave, ovog premijera, ubuduće kad daje izjave za medije da dobro pazi šta priča.